

四庫全書

經部

欽定四庫全書

經部  
詩傳大全綱領

詳校官監察御史臣盛嘉祐

通政使司副使臣莫瞻菴覆勘

覆校官編修臣曹 城

校對官檢討臣郭 寅

謄錄監生臣費雲開

欽定四庫全書

經部三

詩傳大全

詩類

提要

臣等謹按詩集傳大全二十卷明胡廣等撰亦永樂中所修五經大全之一也自宋以後言詩者皆宗朱子集傳其叢集衆說以相關發者毋慮數十種往往得失互見學者旁參博考亦不能專主一家至明成祖始命儒臣

輯為大全以集其成其與纂修者自胡廣以下如楊榮金幼孜等凡四十二人悉一時知名之士然其書實本元安成劉瑾所著詩傳通釋而稍損益之今劉氏之本尚存取以參校大約取其冗蔓者略刪數條又劉本以詩小序隸各篇之下是書別為一編小變其例而大指則全相蹈襲與四書大全之本倪士毅輯釋春秋大全之本汪克寬纂疏者約略

相似故後人多所譏議明代為葩經之學者亦不盡據是書然當時頒布學宮凡士子之習舉子業者必以此為準則乃一代定制所在亦有未可竟廢者故並著之於錄以備參考焉乾隆四十二年三月恭校上

總纂官

臣紀昀臣陸錫熊臣孫士毅

總校官 臣陸費墀

金史四庫全書



提要

欽定四庫全書

詩傳大全綱領

大序曰詩者志之所之也在

心為志發言為詩

朱子曰舊闕

之序其間有統論詩之綱領者數條乃詩大序宜引以冠經首使學者得以考焉又曰大序好處多然亦有不滿人意處又曰或者謂補湊而成亦非此理

心之所之謂之志而詩所以言志也

孔氏曰詩人志意之所之適蘊

藏在心為志發見於言為詩○虞源輔氏曰此一節言詩之自出○鄭氏曰詩之興也諒不於上皇之世

大庭軒轅逮於高辛其時有亡載籍亦蔑云馬虞書曰詩言志然則詩昉於此乎○黃氏曰自有天地有

萬物而詩之理已寓嬰兒之嬉笑童子之謳吟皆有詩之情而未動也將以簫鼓以上籥以鞀皆有詩之用而未文也康衢順則之謠元首股肱之歌皆詩也故曰詩言志至於五子述大禹之戒相與歌詠傷今而思古則變風變雅已備矣

○情動於中而形於言言之不足故嗟嘆之嗟嘆之不足故永歌之永歌之不足不知手之舞之足之蹈之也

情者性之感於物而動者也喜怒憂懼愛惡欲謂之

七情形見

音現

永長也

黃氏曰寂然不動者謂之性感於物者謂之情情之所動則惡

可已惡可已則不知手舞足蹈也○三山李氏曰永歌木足盡其情於是手舞之足蹈之而有舞焉歌詠



其聲舞蹈其容聲容兩盡然後喜怒哀樂之情宣導於外無所湮鬱此所謂導和之至也

○情發於聲聲成文謂之音治世之音安以樂其政和

亂世之音怨以怒其政乖亡國之音哀以息其民困

治直

吏反樂音洛  
息息吏反

聲不止於言凡嗟嘆永歌皆是也成文謂其清濁高

下疾徐疏

平聲數

之節相應而和也然情之所感不

同則音之所成亦異矣

慶源輔氏曰此一節又言嗟嘆永歌既發於聲因以其聲

播於八音諧以律呂使之相應而和故謂之音而即其音而復可得其所感之情有如是之不同也○孔

氏曰治世之政和順民迷其安樂之心作歌故其音亦安樂百室盈止婦子寧止安之極也厭厭夜飲不醉無歸樂之至也亂世之政乖戾民迷其怨怒之心作歌故其音亦怨怒民莫不殺我獨何害怨之至也取彼譁人投畀豺虎怒之甚也國將亡民遭困厄哀傷思慕而作歌故其音亦哀以思知我如此不如無生哀之甚也睽言顧之潛馬出涕思之篤也○臨川王氏曰治亂言世言政而亡國不言者世絕而無政也

故正得失動天地感鬼神莫近於詩

事有得失詩因其實而諷詠之使人有所創艾音興

起至其和平怨怒之極又足以達於陰陽之氣而致

祥召災蓋其出於自然而不假人力是以入人深而

見功速非他教之所及也

慶源輔氏曰此一節又結上三節而言詩之用廣大

深切非他教之所及也○安成劉氏曰詠其事之得則可起人善心諷其事之失則可創人逸志得失於其乎正其入人之深如此者蓋以人心同一理也詠其實而極其和平則達於陰陽而或致祥諷其實而極於怨怒則達乎陰陽而或召災其感動之速如此者亦以天地神人同一氣也詩雖出於人為而理氣感通則不假人力也達字貼動感字陰陽貼天地鬼神字

○先王以是經夫婦成孝敬厚人倫美教化移風俗

先王指文武周公成王

慶源輔氏曰或疑指周公為先王先生曰此無甚害蓋周

公行王事制禮樂若止言成王則失其實矣

是指風雅頌之正經

安成劉氏曰序

者言先王以詩為教正綱常而善風化故知其所指先王與正經如此

經常也女正乎

內男正乎外夫婦之常也孝者子之所以事父敬者

臣之所以事君詩之始作多發於男女之間而達於

父子君臣之際故先王以詩為教使人興於善而戒

其失所以道夫婦之常而成父子君臣之道也三綱

既正則人倫厚教化美而風俗移矣

廬陵彭氏曰陳君舉云夫婦之

經者孝敬之成也蓋天下之道只從夫婦中出而夫婦之道又只從中正中來以此氣象事觀則成孝事

君則成敬由是而人倫厚教化美風俗移皆出於詩  
之功用也○樂安李氏曰惟能美教化然後可以移  
風俗若教化不美非獨不能移風俗天下反為風俗  
所移矣如曹風之奢晉風之儉不中於禮皆足以移  
人教化之不美其弊必至於此○慶源輔氏曰此一  
節又言文武周公成王以風雅頌之正經為教而後  
有此効驗始於夫婦父子君臣之三綱而後極於天  
下之風俗也○安成劉氏曰此一節專論正風雅及

頌周

○故詩有六義焉一曰風二曰賦三曰比四曰興五曰

雅六曰頌

興虛應  
反下同

此一條本出於周禮太師之官蓋三百篇之綱領管

轄也

慶源輔氏曰風雅頌者三百篇之節奏實統於是而無所遺故曰綱領賦比興者三百篇之體

製實出於是而不能外故曰管轄○安成劉氏曰詩有六義如網之有綱如衣之有領如車之有管有轄管與館轄同車轂端鐵也轄與館帶同車軸頭鐵也四者皆機要之所在也然綱領之用在於綱與衣之上則風雅頌之比也管轄之用在於車之中則賦比興之譬也風雅頌者聲樂部分之

名也風則十五國風雅則大小雅頌則三頌也賦比

興則所以製作風雅頌之體也

朱子曰周禮太師掌六詩以教國子而大

序謂之六義蓋古今聲詩條理無出此者風則閭巷風土男女情思之詞雅則朝會燕享公卿大夫之作頌則鬼神宗廟祭祀歌舞之樂其所以分皆以其篇章節奏之異而別之也賦比興所以分者又以其屬

詞命意之不同而別之也。○問風雅與無天子之風之義曰：鄭漁仲言出於朝廷者為雅，出於民俗者為風。文武之時，周召之作者謂之周召之風，東遷之後，王畿之民作者謂之王風。似乎大約是如此，亦不敢為斷然之說。但古人作詩體自不同，雅自是雅之體，風自是風之體。如今人做詩，曲亦自有體製不同者。自不可亂不必說雅之降為風，今且就詩上理會意義，其不可曉處不必反倒。○詩有是當時朝廷作者雅頌是也。若國風乃採詩者採之民間，以見四方民情之美惡。二南亦是採民言而被樂章，爾程子必說周公作以教人，不知是如何。某不敢從。○廬陵彭氏曰：李賢良云：詩者古之歌，曲其聲之曲，折氣之高。下作詩之始，或為風為小雅，為大雅，為頌，風之聲不可以入雅，雅之聲不可以入頌，不待太師與孔子而後分也。風雅頌乃其音。賦者直陳其事，如葛覃卷耳而賦，比興乃其體也。

之類是也。比者以彼狀此，如蝻斯綠衣之類是也。興

者託物興詞，如關雎兔置之類是也。

朱子曰：凡直指其名直叙其事。

者賦也。引物為況者比也。木要言其事而虛用兩句，鈞起因而接續者興也。○此是以一物比一物而所

指之事常在言外，興是借彼一物以引起此事，而其

事常在下句。○說出那箇物事來是興，不說出那箇

物事是比。如南有喬木，只是說漢有游女，爽爽寢廟，君子作之，只說箇他人有心，予忖度之，皆是興體。比

體只是從頭比下來，不說破興比相近却不同。○如

藁砧，今何在，何日大刀頭，此是比體。興之為言起也。

言興物而起意，後來占詩猶有此體，如青靑源上柏，磊磊澗中石，人生天地間，忽如遠行客，又如高山有

屋，林木有枝，憂來無端，人莫之知，皆是也。○興體不

一或借眼前事說起，或別將一物說起，如唐詩尚有



此體如青青河畔草青水中蒲皆是借彼興起其詞非必有感有見於此物也有將物之所無興起自家之所有有將物之所有興起自家之所無前輩都理會這箇不分明如何說得詩本指蓋衆作

雖多而其聲音之節製作之體不外乎此故太師之教國子必使之以是六者三經而三緯之則凡詩之

節奏指歸皆將不待講說而直可吟咏以得之矣朱子

曰三經是風雅頌是做詩底骨子賦比興却是裏面橫串底都有賦比興故謂三緯○周禮說以六詩教國子其實只是這賦比興三箇物事風雅頌詩之標名理會得那興比賦時裏而全不大段費解今人愛細解不道此說為是如奕奕寢廟不認得意在那他人有心處只管解那奕奕寢廟且詩有六義先儒更

不曾說得明却因周禮說曲詩有豳雅豳頌即於一  
詩之中要見六義思之皆不然蓋所謂六義者風雅  
頌乃是樂章之腔調如言仲呂調大石調越調之類  
至比興賦又別立此六義非特使人知其聲音之所  
當又欲使歌者知作詩之法度也○問豳之所以為  
雅為頌者恐是可以用雅底腔調又可用頌底腔調  
否曰恐是如此某亦不敢如此斷今只說恐是亡其  
二○慶源輔氏曰聲音之節謂風雅頌制作之體謂  
賦比興三經謂風雅頌之體一定也三緯謂賦比興  
之用不一也○孔氏曰風雅頌者詩篇之具體賦比  
興者詩文之異詞賦比興是詩之所用風雅頌是詩  
之成形用彼三事成此三事也○安成劉氏曰聲音  
之節非風則雅非雅則頌其在當時固可吟咏以得  
其節奏製作之體非賦則比非比則興其在今日猶  
可吟咏以得其指歸蓋古今之作六者之序以其篇  
者教者學者皆不能外夫六義也

次風固為先而風則有賦比興矣故三者次之而雅

頌又次之蓋亦以是三者為之也

孔氏曰四始以風為先風之所用以

賦比興為辭故於風之下即次賦比興然後次以雅頌既見賦比興於風之下明雅頌亦用賦比興也言

事之道直陳為正故賦在比興之先比興雖同是託物比顯而興隱當先顯而後隱故比居興先也然

比興之中螽斯專於比而綠衣兼於興兔置專於興

而關雎兼於比此其例中又自有不同者學者亦不

可以不知也

朱子曰比興之中各有兩例興有取所興為義者則以上句形容下句之情思

下句指言上句之事實有全不取義者則但取一二字相應而已要之上句全虛下句常實則同也比有

繼所比而言其事者有全不言其事者學者隨文會  
意可也○詩之比興舊來以闕雎之類為興鶴鳴之  
類為比嘗為之說甚詳大槩興詩不甚取義特以上  
句引起下句亦有取義者比詩則全以彼物譬喻此  
物有都不說破者有下文却結在所比之事上者其  
體蓋不同也上蔡言學詩要先識六義而諷詠以得  
之此學詩之要若迂迴穿鑿則便不濟事矣○慶源  
輔氏曰此一節則言凡詩聲音之節製作之體有此  
六義而教詩與學詩者皆當先辨而識之也綠衣雖  
以比妾又因以興起其詞唯鳩雖以起興又以擊而  
有別比后妃之德也獨舉二者以例其餘耳○安成  
劉氏曰呂氏嘗謂得風之體多者為風得雅之體多  
者為雅得頌之體多者為頌而朱子亦嘗疑以七月  
詩變其音節或為風或為雅或為頌則風雅頌之例  
中亦恐有不同者不  
特比興之例為然也

○上以風化下下以風刺上主文而譎諫言之者無罪

聞之者足以戒故曰風

風刺之風  
福鳳反

風者民俗歌謠之詩如物被風而有聲又因其聲以  
動物也上以風化下者詩之美惡其風皆出於上而  
被於下也下以風刺上者上之化有不善則在下之  
人又歌詠其風之所自以譏其上也凡以風刺上者  
皆不主於政事而主於文詞不以正諫而託意以諫  
若風之被物彼此無心而能有所動也

臨川王氏曰  
主文譎諫有

吳入之道故曰風○慶源輔氏曰此一節解風之一字有此二義也上以風化下謂正風也然變風亦間有如此者下以風刺上則止謂變風耳風雅有此二義不同然皆有取於彼此無心而能有所動故皆曰也風

○至于王道衰禮義廢政教失國異政家殊俗而變風變雅作矣

先儒舊說二南二十五篇為正風鹿鳴至菁莪二十二篇為正小雅文王至卷阿十八篇為正大雅皆文武成王時詩周公所定樂歌之詞邶至豳十三國為

變風六月至何草不黃五十八篇為變小雅民勞至  
召旻十三篇為變大雅皆康昭以後所作故其為說  
如此國異政家殊俗者天子不能統諸侯故國自  
為政諸侯不能統大夫故家家自為俗也然正變之

說經無明文可考今姑從之其可疑者則具於本篇

云

朱子曰先儒本謂周公制作時所定者為正風雅  
其後以類附見者為變風雅耳固不謂變者皆非

美詩也大序之文亦有可疑處而小雅篇次尤多不  
可曉者此未易考但聖人之意使人法其善戒其惡  
此則炳如日星耳今亦不須問其篇章次序事實是  
非之如何但玩味得聖人垂示物戒之意則詩之旨

在我矣鄭衛之詩篇篇如此乃見其風俗之甚不美若止載一兩篇則人以為是適然耳大抵聖人之心寬大平易與今人小小見識遮前掩後底意思不同○詩之雅蓋王道盛時如成王以上詩是也自成王以後則為變雅矣蓋王政之所由衰故黍離降而為國風則同乎諸侯之詩矣○慶源輔氏曰此一節言風雅之有變也然正變之說詩經無文可據但其說有合乎理故且從之所謂可疑者蓋指楚茨至車齊十篇之類而言也○安成劉氏曰詩人各隨當時政教善惡人事得失而美刺之未嘗有意於為正為變後人比而觀之遂有正變之分所以正風雅為文武成王時詩變風雅為康昭以後所作而邠風不可以為康昭以後之詩也大抵就各詩論之以美為正以刺為變猶之可也若拘其時世分其篇帙則其可疑者多矣



○國史明乎得失之迹傷人倫之變哀刑政之苛吟咏  
情性以風其上達於事變而懷其舊俗者也

風福  
鳳反

詩之作或出於公卿大夫或出於匹夫匹婦蓋非一  
人而序以為專出於國史則誤矣說者欲蓋其失乃  
云國史細繹詩人之情性而歌詠之以風其上則不  
唯文理不通而考之周禮大史之屬掌書而不掌詩  
其誦詩以諫乃大師之屬瞽矇之職也故春秋傳曰  
史為書瞽為詩說者之云兩失之矣

朱子曰周禮史  
官如大史小史

內史外史其職不過掌書無掌詩者不知明得失之  
迹于國史甚事又曰周禮禮記中史竝不掌詩左傳  
說自分曉以此見得大序亦未必是聖人做○安成  
劉氏曰此一節係變風變雅作矣之下冠變風發乎  
情之上而謂國史傷人倫哀刑政以作詩則序者之  
意以承上文言變風變雅為國史所作非以三百篇  
為皆作於國  
史然亦誤矣

○故變風發乎情止乎禮義發乎情民之性也止乎禮  
義先王之澤也

情者性之動而禮義者性之德也動而不失其德則  
以先王之澤入人者深至是而猶有不忘者也

黃氏曰止

乎禮義喜怒哀樂之中節者○臨川王氏曰此獨言  
變風者雅雖有變天子猶有政焉言變風則通乎無  
雅之後也而猶知止乎禮  
義則變雅之時可知矣  
然此言亦其大槩有如此

者其放逸而不止乎禮義者固已多矣

朱子曰如泉  
水載馳等詩

固止乎禮義如桑中有甚禮義大序亦只是總說亦  
未盡○慶源輔氏曰此一節又言變風之亦有止乎  
禮義者蓋由先王之澤入人之深且久故  
也不及雅者變風如此則變雅從可知也

○是以一國之事繫一人之本謂之風

所謂上以風化下

臨川王氏曰風之本於人君一人  
之躬行而其未見於一國之事

慶源輔氏曰此一小節再釋風  
之名義然只反前說上截意

言天下之事形四方之風謂之雅雅者正也言王政之所由廢興也政有大小故有小雅焉有大雅焉

形者體而象之之謂

孔氏曰言天下之政事體象四方之風俗謂之雅也

小雅

皆王政之小事大雅則言王政之大體也

慶源輔氏曰此一小

節釋雅之名義與大小雅之別言天下之事以體象四方之風俗而以見王政之所由廢興也正雅則可

見王政之興廢雅則可見王政之廢○孔氏曰小雅所陳飲食勞燕賜征伐皆小事也大雅所陳受命作周代殷繼伐荷先王之福祿尊祖考以配天醉酒飽德求賢用士皆大事也詩體既異樂音亦殊至於變雅則由音體有大小而不復由政事之大小矣○朱子曰正小雅二十二篇皆政之一事正大雅十八

篇意不主於一節大抵皆詠歌先王之功德申國福  
祿之辭而政之大本繫焉其音節亦不同矣及其變  
也則亦各以其聲而附之也歟○華谷嚴氏曰以政  
之小大為二雅之別驗之經而不合竊謂雅之大小  
特以其體之不同耳蓋明白正大直言其事者雅之  
體也純乎雅之體者為雅之大雜乎風之體者為雅  
之小太史公稱國風好色而不淫小雅怨誹而不亂  
若離騷可謂魚之言離騷魚國風小雅而不言魚大  
雅見小雅與風騷相類而  
大雅不可與風騷並言也

頌者美盛德之形容以其成功告於神明者也

告古  
毒反

頌皆天子所制郊廟之樂歌頌容古字道故其取義

如此

慶源輔氏曰此一小節釋頌之名義頌容古字  
道故頌為形容之義○三山李氏曰頌字訓容

漢書曰徐生善容容字作此頌字顏師古注云頌字與形容字古人通用○廬陵彭氏曰威德不可見也故美其形容成功不可忘也故告于神明○安成劉氏曰論頌詩之大體固是天子郊廟樂歌而所以美威德告成功者也但驗之三頌諸篇亦不能盡然也

### 是謂四始詩之至也

史記曰關雎之亂以為風始

朱子曰關雎是樂之卒章故曰關雎之亂楚辭

亦有亂曰是也自關關雎鳩至鐘鼓樂之皆是亂

鹿鳴為小雅始文王為大

雅始清廟為頌始所謂四始也

臨川王氏曰風也二雅也頌也雖相因而

成而其序不相襲也故謂之四始○廬陵彭氏曰呂博士云自一國之事以下脩言風雅頌之所因而作

而卒之以是謂四始詩之作各有攸始也○程子曰  
詩有四始而風居首本乎一人而成乎國俗謂之風  
發於正理而形於天下謂之雅稱美威德與告其  
成功謂之頌先之家及於政以底成功其叙然也詩  
之所以為詩者至是無餘蘊矣

三山李氏曰四始以下皆詩之至也

後

世雖有作者其孰能加於此乎邵子曰刪詩之後世

不復有詩矣蓋謂此也

朱子曰所謂無詩者非謂詩不復作也但謂夫子不取耳

故康節云自從刪後更無詩蓋伯樂之所不顧則謂  
之無馬可矣夫子之所不取則謂之無詩可矣又曰  
古人發出意思自好看三百篇詩則後來之詩多  
不足觀矣○慶源輔氏曰此二句總結上三節而費  
其為詩之極至也夫詩之作其來遠矣至夫子刪詩  
則無復餘蘊後世作者連篇累牘不為不多然學之

者果可以與觀羣怨乎用之者果可以正得失動天地厚人倫美教化乎後之讀之者又果可以達於政而專對乎至於風雲之狀月露之形則固無益於事矣若夫哀淫愁怨導欲增悲則又非徒無益也邵子之言警人深矣

書舜典帝曰夔命汝典樂教胥子直而溫寬而栗剛而無虐簡而無傲

夔舜臣名胥子謂天子至卿大夫子弟

安成劉氏曰即所謂天子

之元子衆子以至公侯卿大夫元士之適子者也

教之因其德性之美而防

其過

安成劉氏曰因其性之直而防其過故欲其溫因其性之寬而防其過故欲其栗因其性之剛



而防其過故欲其無虐因其性之簡而防其過故欲其無傲凡所以養其中和之德救其氣質之偏者蓋皆樂之功用也

詩言志歌永言聲依永律和聲

聲謂五聲宮商角徵羽宮最濁而羽極清所以協歌

之上下律謂十二律黃鐘大呂大簇音泰夾鐘姑洗音既

中呂蕤賓林鍾夷則南呂無射音亦應鐘黃最濁而應

極清又所以旋相為宮而節其聲之上下朱子曰人聲自有高

下聖人制五聲以括之宮聲洪濁其次為商羽聲輕清其次為徵清濁洪纖之中為角此五聲之制以括

人聲之高下又制十二律以節五聲又各有高下每聲又分十二等謂如以黃鐘為宮則是太蕤為商姑洗為角林鐘為徵南呂為羽還至無射為宮便是黃鐘為商太蕤為角中呂為徵林鐘為羽然而無射之律只長四寸八分有奇而黃鐘長九寸太蕤長八寸林鐘長六寸則宮聲擊下面商羽角三聲不過故有所謂四清聲夾鐘大呂黃鐘太蕤是也蓋用其半數謂如黃鐘九寸只用四寸半餘三律亦然如此則宮聲可以樂之其聲和矣看來十二律皆有清聲只說四者意其取數之甚多者言之耳○詩之作本言志而已方其詩也未有歌也及其歌也未有樂也以聲依永以律和聲則樂乃為詩而作非詩為樂而作也問詩樂既廢如何曰既無此家具也只得義理制其心涵泳從容無斯須不和不樂便是樂○詩者樂之章也故必學樂然後頌詩所謂樂者蓋琴瑟頌箎之類樂之一物以漸習之而節夫詩之音律者然詩

本於人之情性有美刺風喻之音其言近而易曉而  
從容詠歎之間所以漸清感動於人者又為易入至  
於聲音之高下舞蹈之疾徐所以養其耳目和其心  
志使人淪肌浹髓而安於仁義禮智之實又有非思  
勉之所及者○三代之時禮樂用於朝廷而下達於  
閭巷學者諷詠其言以求其志詠其聲執其器舞蹈  
其節以涵養其心則聲之所助於詩者為多然猶曰  
興於詩成於樂其求之固有序矣是以聖賢言詩主  
於聲者少而發於義者多仲尼所謂思無邪孟子所  
謂以意逆志者誠以詩之所以作本乎其志之所存  
然後詩可得而言也得其志而不得其聲者有矣未  
有不得其志而能通其聲者也就使得之止其鐘鼓  
之鏗鏘而已豈聖人樂云樂云之意乎況今去孔孟  
千餘年古樂散亡無復可考而欲以聲求詩則未知  
古樂之遺聲今皆可推而得乎三百五篇皆可協之  
音律而被之絃管已乎誠能得之則所助於詩多矣

然恐未得為詩之本也。況未必可得則今之所請得無有畫餅之譏乎？故愚以為詩出乎志者也。樂出乎詩者也。然則志者詩之本而樂者末也。末雖亡不害本之存。患學者不能平心和氣從容諷詠以求之情性之中有得乎此。然後可得而言。願所得之淺深何如耳。有舜文之文德則聲為律而身為度。蕭韶二南之聲不患其不作。此雖未易言。然其理蓋不誣也。九峯蔡氏曰：心之所之謂之志。心之所之必形於言。故曰詩言志。既形於言必有長短之節。故曰歌永言。既有長短必有高下清濁之殊。故曰聲依永大抵歌聲長而濁者為宮以漸而清且短則為商為角為徵為羽。所為聲依永也。既有長短清濁則又必以十二律和之乃能成文而不亂。假令黃鐘為宮則太簇為商姑洗為角林鐘為徵南呂為羽。蓋以三分損益隔八相生而得之。餘律皆然。即禮運所謂五聲六律十二管還相為宮者所謂律和聲也。安成劉氏曰：黃

鐘屬子太呂丑太蕤寅夾鐘卯姑洗辰仲呂已蕤賓  
午林鐘未夷則中南呂酉無射戌應鐘亥一律一呂  
陰陽相間黃鐘生林鐘自子至未凡八位林鐘生太  
蕤自未至寅亦八位餘律皆然所謂隔八者也黃鐘  
林鐘太蕤南呂姑洗應鐘蕤賓相生則三律下生三  
呂皆三分損一三呂上生三律皆三分益一蕤賓大  
呂夷則夾鐘無射中呂黃鐘相生則三律下生三呂  
反三分益一三呂上生三律反三分損一通六下六  
上而十二律旋相為宮焉每律脩五聲則成  
六十聲每律加變宮變徵則成八十四聲矣

### 八音克諧無相奪倫神人以和

八音金石絲竹匏土革木也

朱子曰金鐘鐻也石磬也絲琴瑟也竹管簫也

匏笙也土瓊也革鼗鼓也木柷敔也○九峯蔡氏曰  
人聲既和乃以其聲被之八音而為樂則為不諧叶

而不相侵亂失其倫次可以奏  
之朝廷郊廟而神人以和矣

周禮大師教六詩曰風曰賦曰比曰興曰雅曰頌

說見大序

以六德為之本

中和祇庸孝友

安成劉氏曰此六者周禮大司樂謂之樂德中者無所偏倚和者無所乖

底祇者莊敬庸者有常孝者善事父母友者善於兄弟

以六律為之音

六律謂黃鐘至無射六陽律也大呂至應鐘為六陰

律與之相間故曰六間又曰六呂

安成劉氏曰間者言其陰陽相間呂

者言其陰陽相侶周禮又謂之六同不言六陰律者陽統陰也

其為教之本末猶舜

之意也

慶源補氏曰以六德為本者無是六德則雖強聒以六詩無益也此即舜命夔以樂教

子必因其直寬剛簡而使無過之意以六律為之音此即律和聲之意本謂德性末謂聲音○安成劉氏曰本六德而教六詩而叶六律即帝舜命夔自直溫而詩歌自詩歌而聲律之意○毛氏曰古者教以詩樂誦之歌之

經之舞之

禮記王制天子五年一巡狩命大師陳詩以觀民風

鄭氏

曰五年者虞夏殷之制也周則十二年一巡狩陳詩者采其詩而觀之

論語孔子曰吾自衛反魯然後樂正雅頌各得其所

前漢禮樂志云王官失業雅頌相錯孔子論而定之

故其言如此

朱子曰魯哀公十一年冬孔子自衛反魯是時周禮在魯然詩樂亦頗殘缺失

次孔子周流四方叅互考訂以知其說晚知道終不行故歸而正之○丹陽洪氏曰王迹熄而詩亡其存者謬亂失次孔子復得之他國以歸定著為三百五篇於是雅頌各得其所

史記云古者

詩本三千餘篇孔子去其重取其可施於禮義者三

百五篇孔穎達曰按書傳所引之詩見在者多亡逆

者少則孔子所錄不容十分去九馬遷之言未可信



也愚按三百五篇其間亦未必皆可施於禮義但存

其實以為鑒戒耳

廬陵歐陽氏曰周南召南邶鄘衛王鄭齊幽秦魏唐陳鄘曹小雅大

雅頌此孔子未刪之前周大師樂歌之次第也周召邶鄘衛王鄭齊魏唐秦陳檜曹幽此今詩次第也周

召邶鄘衛檜鄭齊魏唐秦陳曹幽王此鄭氏詩譜次第也○程子曰虞之君臣迭相廢和始見於書夏殷

之世雖有作者其傳鮮矣至周而並文人之怨樂必形於言政之美惡必有刺美至夫子時所傳者多矣

夫子刪之得三百篇可以垂世立教○諸國之風先後各有義周南召南陳正家之道人倫之端王道之

本風之正也故為首二南之風行則人倫正朝廷治及乎周道衰政教失風遂變矣於是諸侯擅相侵伐

衛首并邶鄘之地故為變風之首也且一國之詩而三其名得於衛地者為衛得於邶鄘者為邶鄘所以

見其首亂也刑政不能治天下諸侯放恣擅相并滅  
王迹熄矣故雅亡而為一國之風廢法失道則王畿  
之內亦不能保鄭本畿內之封因周之衰遂自為列  
國故次以鄭君臣上下之分失則人倫亂而入於禽  
獸人君身為禽獸之行其風可知故次以齊天下之  
風至於如此則無不亂之國無不變之俗魏舜禹之  
都唐帝堯之國久被聖人之化漸成美厚之俗歷二  
叔之世而遺風尚存今亦衰矣故因其舊名而謂之  
唐所以見唐魏之風且變則先代之風化中國之禮  
義消亡極矣是以夷狄強大天下亦相胥而夷矣故  
次以秦秦之始封秦谷西戎之地國亂乃東侵而始  
大其俗尚夷故美其始有車馬禮樂而刺其未能用  
周禮也禮義之俗亡夷狄之風行先聖王之流風遺  
俗盡矣故次以陳陳舜之後也聖人之都風化所原  
也聖人之國典法所存也王澤竭而風化熄矣夷道  
行而典禮亡矣天下之所以安且治者聖人之道行

也聖人之道絕則危亡至矣人情迫於危亡則思治  
安故思治者亂之極也檜曾懼於危亡而思周道故  
為亂之終亂既極必有治之道危既甚必有安之  
之理自管天下何嘗不拯亂而興治革危而為安國  
家之先由是道也其居幽也趨時務農以厚民生善  
政美化由茲而始王業之所興也故次以幽王業成  
而為政於天下故次以雅雅者王者之政也小之先  
大固具叙也政之衰則至於亡詩之亡王道之亡也  
天下之治始於政以風風天下其終也威德之著而  
成功可以告於神明始終之義也故次以頌頌之有  
魯蓋生於不足王道隆所歌頌者如是及其衰也如  
魯之事一已足矣商則頌前代之美不可廢也故附  
其後焉○臨川吳氏曰風雅頌乃樂章之名其音節  
各異如今慢詞小令之分雖欲以彼為此以此為彼  
而不可得非編詩者可以已意移易今若曰七月本  
可列於雅然雅有篤公劉矣故實之幽風生民本可

以列於頌然頌有思文后稷矣故實之於雅如此則是風雅頌初無一定由人以意安排也生民乃郊祀之後飲酒受釐時所歌施於人而非施於鬼神者自當為雅蓋祭祀之時歌之於鬼神者頌詩也受釐之時歌之於生人者雅詩也況頌詩與雅詩之體製亦自判然有不同也哉

○子所雅言詩書執禮皆雅言也

朱子曰雅常也詩以性情性書以道政事

禮以謹節文皆切於日用之實故常言之禮獨言執者以人所執守而言非徒誦說而已也

○嘗獨立鯉趨而過庭子曰學詩乎對曰未也不學詩

無以言鯉退而學詩

朱子曰鯉孔子之子伯魚也事理通達而心氣和平故能言○慶源

輔氏曰詩本人情該物理故學之者事理通達其為教溫柔敦厚使人不狡不詐故學之者心氣和平事

理通達則無昏塞之患心氣和平  
則無躁急之失此所以能言也

○子曰興於詩

興起也詩本人情其言易曉而諷詠之間優柔浸漬  
又有以感人而入於其心故誦而習焉則其或邪或  
正或勸或懲皆有以使人志意油然而興起於善而自

不能已也

程子曰古之學者必先學詩則誦讀其言  
美惡是非勸戒有以啟發故曰興○西山

真氏曰三百篇詩雖難曉今諸老先生發明其義了  
然可知如能反覆涵泳真可以感發其性情則所謂  
興於詩者亦未嘗不存也○廣平游氏曰學詩者可  
以感發人之善心如觀天保之詩則君臣之義修矣

觀常棣之詩則兄弟之愛篤矣觀伐木之詩則朋友之交親矣觀關雎鵲巢之風則夫婦之經正矣昔王

哀有至性而弟子至於廢講蓼莪則詩之興發善心於此可見矣

○子曰小子何莫學夫詩詩可以興可以觀可以羣可

以怨

勉齋黃氏曰興羣怨皆指學者而言觀則指詩而言謂考究其人之得失也然以為觀已得失亦

通

邇之事父遠之事君

朱子曰人倫之道詩無不備二者舉重而言

多識於

鳥獸草木之名

朱子曰其緒餘又足以資多識○慶源輔氏曰論語之論及詩者多矣而惟此

章為脩反復周悉無一或遺學者苟於此而盡心焉則有以感發其志意而為善不懈有以考見其得失而於事無惑和而不流則得羣居之道怨而不怒則畫人情之微以至事父事君則於人倫之際各盡其

道多識於鳥獸草木之名則可以為博物洽聞之君子○廬陵歐陽氏曰詩述商周自玄鳥生民上陳稷契下訖陳靈千五六百年之間旁及列國君臣世次國地山川封域圖牒鳥獸草木蟲魚之名與其風俗方言訓詁咸哀治亂美刺之由無所不載

○子曰詩三百一言以蔽之曰思無邪

凡詩之言善者可以感發人之善心惡者可以懲創人之逸志其用歸於使人得其情性之正而已然其言微婉且或各因一事而發求其直指全體而言則未有若思無邪之切者故夫子言詩三百篇而惟此

一言足以盡蓋其義

朱子曰思無邪只是要正人心約而言之三百篇只是一箇思

無邪折而言之一篇之中自有一箇思無邪○勉齋黃氏曰三百篇之詩亦多矣而一言足以盡蓋其義所以明思無邪一言之辭約而理盡微婉者若言人之善而託之車服之威親族之貴之類是也各因一事者若刺奢刺貪之類是也直指全體者直指則非微婉矣全體即非一事矣就人心之思而言其無邪故曰直指全體也此其所以能盡三百篇之義也歟

○南容三

去聲

復白圭孔子以其兄之子妻之

去聲

白圭大雅抑之五章也

朱子曰南容孔子弟子居南宮字子容抑篇曰白圭之玷

尚可磨也斯言之玷不可為也南容一日三復此言事見家語蓋深有意於謹言也故孔子以兄子妻之



○子曰誦詩三百授之以政不達使於四方不能專對

雖多亦奚以為

程子曰須是未讀詩者授以政不達使不能專對既讀詩後便達於政便能專

對始是讀詩○勉齋黃氏曰詩三百人未有不讀者也而達於政事能專對者何其少邪亦視其所以讀之者如何耳為人邪為己邪誦說邪踐行邪鹵莽邪精切邪二者之不同而能不能判矣○胡氏曰詩之作皆原於人情及諷詠其所言則事物之理莫不具載故其情合於事理之正則可以知風俗之盛政治之得其情背於事理之正則可以知風俗之衰政治之失因是而通為政之方也詩之言溫厚不至於薄和平不致於訐能諷詠則人皆易曉因是故能專對也然讀詩者每不能如此豈非誦之而不能熟熟之而不能思思之而不能切歟可不戒哉

○子貢曰貧而無諂富而無驕何如子曰可也未若貧

而樂富而好禮者也

樂音洛  
好去聲

子貢蓋自謂能無諂無驕者

朱子曰子貢姓端木名賜諂卑屈也驕矜肆也

常人溺於貧富之中而不知所以自守故必有二者之病無諂無驕則知自守矣而未能超乎貧富之外也  
故以二者質之夫子夫子以為二者特隨處用力

而免於顯過耳故但以為可蓋僅可而有所未盡之辭也又言必其理義渾然全體貫徹貧則心廣體胖而忘其貧富則安處善樂循理而不自知其富然後

乃可為至爾

朱子曰無諂無驕是就貧富裏用功比他樂與好禮者自爭一等蓋樂自不知

有貧好禮自不知有富曾氏之說亦善曾氏曰以貧故無諂以富故無驕處貧富之道耳樂非以貧好禮非以富出於情性而貧富不能解也○慶源輔氏曰心廣體胖者指其樂之象安處善樂循理者論其好禮之實○安成劉氏曰隨貧富而用力自守則不能全體貫徹也無諂無驕免於顯過則不能理義渾然也是蓋為貧富而自守固於貧富之中者也彼樂與好禮者則由禮義渾然根於其心流行發見於日用之間其貧也但知自樂而不知今之為貧其富也但知好禮而不知今之為富所謂全體貫徹也是其自始至終此心之理不為貧富而增損存亡乃超乎貧富之外者也

子貢曰詩云如切如磋如琢如磨其斯之謂與

治骨角者既切之而復

浮去

磋之治玉石者既琢之

而復磨之治之功不已而益精也子貢因夫子告

以無諂無驕不如樂與好禮而知凡學之不可少得

而自足必當因其所至而益加勉焉故引此詩以明

之

朱子曰子貢舉詩之意不是專以此為貧而樂富而好禮底工夫蓋見得一切事皆合如此不可安

於小成而不自勉也

子曰賜也始可與言詩已矣告諸往而知來者

往者其所已言者來者其所未言者

朱子曰他說意思闊非只說貧

富故云告往知來告其所已言者謂處貧富之道而  
知其所未言者謂學問之功也○勉齋黃氏曰謂告  
以無詔不如樂無驕不如好禮此所已言也知義理  
之無窮學之不可以有得而遽足此所未言也夫子  
論貧富而子貢悟為學是吾往而知來須是見得切  
磋琢磨在無詔無驕樂與好禮之外方曉得所已言  
所未言

○子夏問曰巧笑倩兮美目盼兮素以為絢兮何謂也

倩七練反盼音  
覓反絢呼縣反

此逸詩也倩好口輔也盼目黑白分也素粉地畫之  
質也絢采色畫之飾也言人有此倩盼之美質而又

加以華采之飾如有素地而加采色也子夏疑其反

謂以素為飾故問之

雙峯饒氏曰讀詩須是先理會訓詁曉得訓詁便須涵泳其意

不可只帶在訓詁上然未有不曉訓詁而能通其意者子夏是未曉得素以為絢一句訓詁所以問

子曰繪事後素

繪胡對反

繪事繪畫之事也後素後於素也考工記曰繪畫之事後素功是也蓋先以粉地為質而後可施以五采猶人有美質然後可加以文飾

曰禮後乎子曰起予者商也始可與言詩已矣

禮必以忠信為質猶繪事必以粉素為先起猶發也

起予言能起發我之志意

龜山楊氏曰子曰繪事後素而子夏曰禮後乎可謂

能繼其志矣非得於言意之表者能之乎商賜可與言詩者以此若夫玩心於章句之末則其為詩也固而已矣所謂起予則亦相長之義也○慶源輔氏曰子貢因論好禮與樂之學而知切磋琢磨之詩為自治益精之意子夏因論素以為絢之詩而知人之學禮當以質為先故皆可與言詩楊氏之說最明切讀書者不可泥於章句之下而學詩者尤貴有得於言意之表不然則局於章句訓詁而詩之教並於人者鮮矣○雙峯饒氏曰夫子稱商賜可與言詩皆是善其能觸類而長今學者請書於見在文意也未嘗通解況敢望其能觸類乎○三山李氏曰觀詩者必當得其外意如衣錦尚絅但言衣服之盛而中庸曰惡

其文之著也推之以為慎獨之學巧笑美目但言顏色之好而子曰繪事後素子夏則推之遂知其禮後之說也○止齋陳氏曰六經皆經聖人而於詩也致意蓋詳論語一書語詩多於他經而二南則正色言之闢睢一篇尤再倦倦夫子之意深矣○安成劉氏曰此引論語言詩凡十章而皆不仍其先後之次序朱子於此得無意乎切以淺見推之雅頌各得其所一章首明三百篇之定體也詩體之音節既定則可學矣故次兩章記夫子常以詩為教也既學則必有成效如所謂興觀羣怨之類是也故以此二章次之然學貴乎知要善讀詩而有得雖思無邪之一言白圭之一章用之有餘不善讀者雖三百其篇而無用也故此三章又次之若子貢子夏之問答又皆得詩人意外意者故以此二章終焉但未知朱子之意然否



咸丘蒙問曰詩云普天之下莫非王土率土之濱莫非王臣而舜既為天子矣敢問瞽叟之非臣如何孟子曰是詩也非是之謂也勞於王事而不得養父母也曰此莫非王事我獨賢勞也故說詩者不以文害辭不以辭害志以意逆志是為得之如以辭而已矣雲漢之詩曰周餘黎民靡有孑遺信斯言也是周無遺民也

程子曰舉一字是文成句是辭愚謂意謂已意志謂詩人之志逆迎之也其至否遲速不敢自必而聽於

彼也

朱子曰普徧也率徧也乃作詩者自言天下皆王臣何獨使我以賢才而勞苦乎非謂天子可

臣其父也蓋說詩之法不可以一字而害一句之義不可以一句而害設辭之志當以己意迎取作者之志乃可得之若但以其辭而已則如雲漢所言是周之民而無遺種矣惟以意迎之則知作詩者之志在於憂早而非真無遺民也又曰逆是前去追迎之意蓋是將自家意思去前而等候詩人之志來又曰譬如有一客來自家去迎他來則接之不來則已若必去捉他來則不可○張子曰知詩莫如孟子以意逆志讀詩之法也

程子曰

顛字伯淳  
闕字正叔

詩者言之述也言之不足而長言之

詠歌之所由興也其發於誠感之深至於不知手之舞

足之蹈故其入於人也亦深古之人幼而聞歌誦之聲  
長而識美刺之意故人之學由詩而興後世老師宿儒  
尚不知詩之義後學豈能興起乎○又曰興於詩者吟  
詠情性涵暢道德之中而激動之有吾與點也之氣象

慶源輔氏曰讀詩者吟咏其性情使人意沈澁舒快  
於道德之中有所慕樂而動蕩鼓舞之直與曾點浴  
沂風雪之氣象  
一般方能有益○又曰學者不可不看詩使使人長

一格朱子曰讀詩便長人一格如今人讀詩何緣會長  
一格詩之興最不緊要然興起人意處正在興會

得詩人之興  
便有一格長

張子曰

名載字子厚

置心平易然後可以言詩涵泳從容則

忽不自知而自解頤矣若以文害辭以辭害意則幾何

而不為高叟之固哉

問詩如何看龜山楊氏曰詩極難卒說大抵須要尋人體會不在雅

文義在心為志發言為詩情動於中而形於言言者情之所發也今觀是詩之言則必先觀是詩之情如何不知其情則雖精窮文義謂之不知詩可也子夏問巧笑倩兮美目盼兮何謂也子曰繪事後素曰禮後乎孔子以為可與言詩如此全要體會惟體會得故看詩有味至於有味則詩之用在我矣○又

曰求詩者貴平易不要崎嶇求合蓋詩人之情性溫厚

平易老成今以崎嶇求之其心先狹隘無由可見

慶源輔氏

曰溫厚平易老成六字說盡詩人情性溫厚謂和而不流怨而不怒平易謂所言皆眼前事老成謂憂深思遠達於人情事物之變此等意思唯平心易氣以逆之則可有得○又曰詩人之志

至平易故無艱險之言大率所言皆目前事而義理存乎其中以平易求之則思遠以廣愈艱險則愈淺近矣

慶源輔氏曰艱險與平易正相反蓋云目前事若無義理在其間是特鄙俚之言耳唯所言皆目前事而却有義理此其所以為詩也然人能言到此亦甚難以平易求之則無窒礙故其意思廣遠橫渠云置心平易始知詩然解悠悠蒼天此何人哉却不平易○黃氏曰橫渠數說此知味之學觀詩之法也

上蔡謝氏曰名良佐字顯道學詩須先識得六義體面而諷咏

以得之

愚按六義之說見於周禮大序其辨甚明其用可識而自鄭氏以來諸儒相襲不唯不能知其所用反引

異說而汨陳之唯謝氏此說為庶幾得其用耳朱子曰

蔡甚曉得詩觀此說是他識得要領處○讀詩之法只是熟讀涵咏自然和氣從胸中流出其妙處不可得而言不待安排措置務自立說只恁平讀著意思自足須是打疊得這心光蕩蕩地不立一箇字只管虛心讀他少間推來推去自然推出那箇道理所以說以此洗心便是以這道理盡洗出那心裏物事渾然都是道理上蔡曰學詩須先識得六義體面而詠咏以得之此是讀詩之要法看來書只是要讀讀得

熟時道理自見切忌先自布置立說○程子曰學詩而不分六義豈能知詩也○慶源輔氏曰體而蓋言

體製體段言六義各有箇體

面學詩不可不先理會得

古詩即今之歌曲往往能使人感動至學詩却無感動

興起處只為泥章句故也明道先生善說詩未嘗章解

句釋但優游玩味吟哦上下便使人有得處如曰瞻彼

日月悠悠我思道之云遠曷云能來思之切矣百爾君

子不知德行不忮不求何用不臧歸于正也慶源輔氏曰思之切

而不歸于正便入哀傷淫泆去也○又曰明道先生談詩竝不曾下

一字訓詁只轉却一兩字點平聲掇地念過便教人省悟

東齋陳氏曰：烝民詩首四句，孔子只就中添四字，滄浪之歌，只換兩斯字，曾不辭費，而意味無窮。明道說：詩正得此意。○朱子曰：詩中頭項多一項，是音韻一項，是訓詁名件一項，是文體若逐一根究，然後討得此道理，則殊不濟事，須是通悟者方看得。○聖人有法度之言，如春秋書禮是也。一字皆有理，如詩亦要逐字將理去，請便都礙了。○看詩須是看他詩人意，思好處是如何不好處是如何看，看他風土看他風俗，又看他人情物態，只看他極詩便見得他，一箇清高底意思，看碩鼠詩便見他，一箇暴斂底意思，好底意思，是如此不好底，是如彼好底意思，令自家善意油然而感，物而興起，看他不好底自家心下，如著搶相似。如此看方得詩意，詩有說得曲折後好底，有只恁平直說後自好底，如燕燕末後一章，這不要看上文考。



下章便知得是恁地意思自是高遠自是說得那人  
著○看詩且看他大意如衛諸詩其中有說時市者  
固當細考如鄭之淫亂底詩苦苦摻求他有甚意思  
一日看五六篇可也○讀詩且只將做令人做底詩  
看或每日令人誦讀却從旁聽之其語有未通者略  
檢注解看却時時誦其本文便見其語脈所在又曰  
念此一詩既已記得其語却逐箇字將前後一樣字  
通訓之今注解中有一字而兩三義者如假字有云  
大者有云至者只是隨處旋紐捏耳非道訓也又曰  
伊川有詩解數篇說到小雅以後極好蓋是王公大  
人好生地做都是識道理人言語故他裏而說得儘  
有道理好子細看非如國風戈出於婦人小子之口  
但可觀其大槩也○學者於詩須先去了小序只將  
本文熟讀玩味仍不可先看諸家註解看得久之自  
然認得此詩是說箇甚事謂如拾得箇無題目詩說  
此花既白又香是感寒開必是梅花詩也卷阿召康

公戒成王其始只說箇好意思如豈弟君子皆積成  
王純嘏爾常之類皆說優游享福之事至有馮有翼  
以下方說用賢大抵告人之法亦當如此須先令人  
歎慕此事則其肯從吾言必樂為之矣○詩詩正在  
於吟咏諷誦觀其委曲折旋之意如吾自作此詩自  
然足以感發善心令人讀詩只是將已意去包籠他  
如做時文相似中間委曲周旋之意盡不曾理會得  
濟甚事若如此看只一日便可看盡何用逐日只捱  
得數章而又不曾透徹耶且如人之城郭須是逐街  
坊里卷屋廬臺榭車馬人物一一看過方是令人只  
是外面望見城是如此便說我都知道得了○詩如今  
恁地注解了自是分曉易理會但須是沈吟諷誦玩  
味義理咀嚼滋味方有所益若只草草看過一部詩  
只三兩日可了但不得滋味也記不得全不濟事占  
人說詩可以興須是詩了有興起處方是詩詩若不  
能興起便不是詩詩○詩詩之法且虛心熟讀尋得

之不要被舊說粘定看得不活伊川解詩亦說得義  
理多了詩本只是恁地說話一章言了次章又從而  
歎詠之雖別無義而意味深長不可於名物上尋義  
理後人往往見其言只如此平淡只管添上義理却  
窒塞了也如一派清水只管將物事堆積在上便壅  
隘了○讀詩須見讀熟了文義都曉得了涵泳讀取  
百來遍方見得那好處那好處方出方見得精怪若  
讀得精熟時意思自說不得如人下種子既下得種  
了須是討水去灌溉他討糞去培養他與他耘鋤方  
是下工夫養他處今却只下得箇種子便休都無耘  
治培養工夫這箇貧多不得讀得這一篇恨不得常  
熟讀此篇如無那第二篇方好而今只是貧多讀第  
一篇了便要讀第二篇讀第二篇了便要讀第三篇  
恁地不成讀書此便是大不敬須是殺了那走作底  
心方可讀書○讀詩之法須識得大義得他滋味沒  
要緊處縱理會得也無益大凡讀詩多在諷誦中見

義理況詩又全在諷誦之功所謂清廟之瑟一唱而三歎一人唱之三人和之方有意思又如今詩曲若只讀過也無意思須是歌起來方見得好處○讀書須是有自得處說與人也不得某舊讀仲氏任只其心塞淵終溫且忠淑慎其身先君之思以勗寡人既破我斧又缺我斲周公東征四國是皇哀我人斯亦孔之將如此等處直為之廢卷慨想而不能已○問先生授以詩傳且教諭之曰須是熟讀某嘗熟讀一二篇未有感發竊謂占人教人兼以聲歌之漸漸引地故最平易又疑鄰衛之諸詩皆淫聲小學之功未成而遽教以淫聲思思未能使之知戒而適以蕩其心志否抑其聲哀思怨怒自能令人畏惡故雖小子門人亦知戒乎某欲令弟姪輩學詩尚疑此未敢曉以又義曰詩且逐篇旋讀方能旋通訓詁豈有不讀而自能盡通訓詁之理乎讀之多玩之久方能漸有感發豈有讀一二遍而便有感發之理乎占之學詩者

固有待於聲音之助然令已亡之無可奈何只得熟讀而從容諷咏之耳若疑鄭衛不可為法即且令學者不必深究而於正當說道理子細消詳反復玩味應不枉費工夫也○讀詩必如三復白圭方是有味若是明敏人不如此看亦無所補若是至鈍人能如此看雖然有淡薄處亦隨淺深而有所見也已上論讀詩○或問諸章句起於誰曰有故言者是指毛公無故言者是指鄭康成也○詩音韻是自然如此古人音韻寬後人分得密後隔開了○看詩須并協韻詩便見得他語自齊整又更畧知協韻所由來甚善○只要韻相協好吟哦諷誦易見道理亦無甚要緊令且將七分工夫理會義理二三分工夫理會造般去處○協韻乃吳才老所作某續添之○或問吳才老協韻何據曰他皆有據泉州有其書每一字多者引十餘證少者引兩三證然亦有推不去者因言商頌下民有嚴協不敢追違吳氏音嚴為莊云避漢諱

却無道理某後讀楚辭天問見嚴字乃押從莊剛方  
字去乃知是叶韻嚴韻作昂也又此問鄉音嚴作戶  
剛反天問才老豈不讀往往偶然失之○古人情意  
渥厚寬和言語自恣地好當時協韻只是要便於諷  
咏而已到得後來一向於字韻上嚴切却無意思漢  
不如周魏晉不如漢唐不如魏晉本朝又不如唐如  
元微之劉禹錫之徒和詩猶自有相重密本朝和詩  
便時不要一字相同不知却愈壞了詩○問詩叶韻  
是常時如此作是樂歌常如此曰當時如此作今人  
文字多有如此者如正考父鼎銘之類○問先生說  
詩率皆叶韻得非詩本樂章播諸聲詩自然叶韻方  
諸律呂其音節本如是耶曰固是如此然古人文章  
亦多是叶韻又曰周頌多不叶韻疑自有和底篇相  
叶清廟之瑟朱絃而疏越一唱而三歎歎即和聲也  
○叶韻忌當以頭一韻為準且如華字叶音數如有  
女同巾是第一句則第二句類如舜華當讀作數字

然後與下文珮玉瓊瑤洵美且都皆叶至如何彼穠  
矣唐棣之華是第一韻則當依本音讀而下文玉姬  
之車却當作尺奢反如此方是今只從吳才老舊說  
不能又創得此例然楚辭紛余既有此內美字又重  
之以修能者耐然後下文紉秋蘭以為佩叶若能  
字只從本音則佩字遂無音如此則又未可以頭一  
韻為定也○古人作詩皆押韻與今人歌曲一般今  
人信口讀之全失古人詠歌之意○詩音韻間有不  
可曉處因說如今所在方言亦自有音韻與古合處  
問今陽字却與唐字通清字却與青字分之類亦自  
不可曉曰古人的疎後世韵方嚴密見某人好考古  
字却說青字音自是親如此類極多已上論協韵○  
漢書傳訓皆與經別行三傳之文不與經連故石經  
書公羊傳皆無經文藝文志云毛詩經二十九卷毛  
詩訓詁傳三十卷是毛為訓詁亦不與經連也馬融  
為周禮注乃云欲省學者兩讀故具載本文然則後

漢以來始就經為注未審此詩引經附傳是誰為之其毛詩二十九卷不知併何卷也○歐陽公有詩本義二十餘篇然說得有好處有詩本末論又有論云何者為詩之本何者為詩之末詩之本不可不理會詩之末不理會得也無妨其論甚好近世自集注文宇出此等文字都不見了也害事如呂伯恭讀詩記人只是看這箇他上面有底便看無底更不知看了○某解詩多不依他序級解得不好也不過只是得罪於作序之人只依序解而不考本詩上下文意則得罪於聖賢因說學者解詩曰某舊時看詩數十家之說一一都從頭記得初問那裏放便判斷那說是那說不是看熟久之方見得這說似是那說似不是或頭邊是尾說不相應或中間數句是兩頭不是或尾說是頭邊不是然也未敢便判斷疑恐是如此又看久之方審得這說是那說不是又熟看久之方敢決定斷說這說是那說不是這一部詩并諸家解都



色在肚裏公而今只是見已前解詩便也要注解更  
不問道理只認捉着便據自家意思說於已無益於  
經有害濟得甚事凡先儒解經雖未知道然其盡一  
生之力縱未說得七八分也有三四分且須熟讀詳  
究以審其是非而為吾之益今公纔看著便妄生去  
取非以已意是發明得箇甚麼道理公且說人之讀  
書是要將作甚麼用所貴乎讀書者是要理會這箇  
道以反之於身為我之益而已○詩傳中或云姑從  
或云止從其說之類皆未有所考不免且用其說○  
詩傳心傳詩解

詩傳大全綱領